



BASES DAS AULAS DE CONCILIACIÓN DE VERÁN 2025

1.- OBXECTO

O obxecto destas bases é organizar o desenvolvemento das Aulas de conciliación verán 2025 para proporcionar ás nenas e aos nenos do Concello de Paderne unha alternativa de lecer cunha dobre finalidade, a de permitir a conciliación familiar, laboral e persoal das familias e a de ofrecer un espazo de recreación para as/os menores en igualdade de oportunidades.

2.- PERSOAS DESTINATARIAS

Menores nadas/os no ano 2021 e ata os 8 anos de idade, preferentemente empadroados no Concello de Paderne.

As/os menores que teñan recoñecida unha discapacidade igual ou superior ao 33% poderá participar nesta convocatoria, sempre que posúan a capacidade de integración no grupo e que as súas necesidades especiais lle permitan participar e beneficiarse das actividades que se van desenvolver, o que deberá ser acreditado mediante informe médico, educativo ou social.

3.- CRITERIOS DE SELECCIÓN

No caso de que o número de solicitudes sexa superior ao número de prazas dispoñibles, aplicaranse os seguintes criterios na seguinte orde:

- 1) Familias con rendas inferiores a 3 veces o IPREM.
- 2) Familias monoparentais.
- 3) Vítimas de violencia de xénero e doutras formas de violencia contra a muller.
- 4) Mulleres en situación de desemprego de longa duración.
- 5) Mulleres maiores de 45 anos.
- 6) Familias numerosas.
- 7) Familias nas que existan outras cargas relacionadas cós coidados.
- 8) Situación de activo laboral de ambos proxenitores.
- 9) Outras circunstancias especiais debidamente xustificadas e valoradas tecnicamente polos servizos sociais comunitarios básicos.

Se a pesar de aplicar os criterios de selección, o número de inscricións segue sendo superior ao número de prazas, realizarase un sorteo público. Os grupos de irmáns participarán no sorteo cun só número.

Tras o sorteo crearase unha lista de agarda.

Cada participante será seleccionado con prioridade para unha quenda e primará sempre a participación do maior número de menores posible, sen prexuízo de que puideran participar en máis quendas no caso de quedar prazas vacantes.

4.- DESCRICIÓN DAS AULAS



➤ LUGAR

As actividades desenvolveranse no centro de maiores, aula de informática, biblioteca e parque anexo ao concello. Cando a climatoloxía o permita, realizaranse as actividades no exterior e haberá saídas programadas cunha periodicidade quincenal.

➤ DATAS

As aulas de conciliación organízanse en 5 quendas diferenciadas, de luns a venres, agás festivos, do seguinte xeito:

1ª quenda: do 30 de xuño ao 15 de xullo.

2ª quenda: do 16 ao 31 de xullo (25 festivo).

3ª quenda: do 1 ao 14 de agosto.

4ª quenda: do 19 ao 29 de agosto.

5ª quenda: do 1 ao 5 de setembro.

➤ HORARIO

O horario das aulas de conciliación será de 8.00 a 15.00 horas.

A entrada será flexible entre as 8:00 e as 9:30 horas. Igualmente a saída será flexible, entre as 14:00 e as 15:00 horas.

➤ ACTIVIDADES

As actividades terán como eixo vertebrador a igualdade entre nenas e nenos, a través de iniciativas lúdicas e de ocio e tempo libre (xogos, obradoiros, talleres, etc.).

A través do xogo cooperativo trataranse valores de respecto, igualdade de oportunidades, resolución de conflitos e o fomento da cultura e lingua galegas.

➤ PRAZAS

O número de prazas estará condicionada á aplicación orzamentaria que se publicará no taboleiro de anuncios da Sede Electrónica.

5.- SOLICITUDE DE PARTICIPACIÓN

As persoas interesadas en participar nas aulas de conciliación deberán presentar a seguinte documentación no prazo indicado, preferiblemente por rexistro electrónico do Concello de Paderne.

a) Solicitude.

b) Autorización/s.

c) Copia do DNI da/o menor ou libro de familia.

d) Copia da tarxeta sanitaria.

e) Copia do DNI da nai/pai/titor/a legal, que asine a solicitude.

f) No caso de ter certificado de discapacidade, copia do mesmo e informe médico, educativo ou social que acredite que as súas necesidades especiais lle permitan participar e beneficiarse das actividades que se van desenvolver.



- g) No caso de separación/divorcio entre os pais, copia da mesma para acreditar o réxime de custodia.
- h) Documentación xustificativa para acreditar algunha das circunstancias recollidas no punto 3 destas bases.

6.- PRAZO DE INSCRICIÓN

O prazo de inscrición para calquera quincena é dende o día seguinte ao da publicación destas bases no taboleiro de anuncios da sede electrónica do Concello ata o día 6 de xuño.

Calquera solicitude presentada fóra destas datas, considerarase unha solicitude fóra de prazo.

7.- PUBLICACIÓN DA LISTAXE DE PERSOAS ADMITIDAS

A listaxe provisional publicarase a semana do 9 de xuño no taboleiro de anuncios da sede electrónica do concello. A información será facilitada a través da páxina web e das redes sociais do concello ou chamando as propias persoas interesadas a servizos sociais.

As persoas solicitantes disporán de 2 días hábiles para presentar alegacións ao listaxe provisional.

De ser necesario realizar sorteo público, a data do mesmo será publicada no taboleiro de anuncios do concello.

A prestación do servizo e a súa iniciación, quedarán condicionados á efectiva disposición de crédito orzamentario, o que se certificará oportunamente no seu momento.

A listaxe provisional poderá ser definitiva no caso de admitirse todas as solicitudes presentadas. Se non é o caso, a semana do 16 de xuño publicarase a listaxe definitiva de participantes admitidas/os en cada unha das quendas.

O Alcalde/Presidente
Sergio Platas Casal

Documento asinado dixitalmente.